



Bosnia and Herzegovina  
Federation of Bosnia and Herzegovina

**CANTON SARAJEVO**  
**Anti-Corruption and Quality Control Office**

Broj: 20-05-33063-46/19  
Sarajevo, 12.11.2019. godine

**KABINET PREDSEDavajućEG I ZAMJENIKA PREDSEDavajućEG  
SKUPŠTINE KANTONA SARAJEVO**

- ovdje -

**PREDMET:** Informacija u vezi sa zastupničkom inicijativom zastupnika u Skupštini Kantona Sarajevo, gospodina **Marić Zvonka**

Zastupnik u Skupštini Kantona Sarajevo **Marić Zvonko**, na 13. radnoj sjednici Skupštine Kantona Sarajevo održanoj dana 25.09.2019.godine, u okviru tačke Dnevnog reda "Poslanička/zastupnička pitanja, inicijative i odgovori", pokrenuo je zastupničku inicijativu kojom se od Ureda za borbu protiv korupcije i upravljanje kvalitetom Kantona Sarajevo (u daljem tekst: Ured) i Ministarstva pravde i uprave Kantona Sarajevo traži da izvrše nadzor nad procesom starih i novih imenovanja direktora javnih preduzeća, ustanova, upravnih i nadzornih odbora, da li su provedena na zakonit način, a naročito da li su u skladu sa članom 4. Zakona o sukobu interesa u organima vlasti u FBiH („Službene novine Federacije BiH“, broj 70/08), te članom 12. Zakona o javnim preduzećima FBiH („Službene novine Federacije BiH“, broj 08/05).

Ovom prilikom ističemo da su nadležnosti i djelokrug rada Ureda, kao stručne službe Vlade Kantona Sarajevo, propisani Uredbom o osnivanju Ureda za borbu protiv korupcije i upravljanje kvalitetom Kantona Sarajevo („Službene novine Kantona Sarajevo“ br. 07/18, 21/19).

Postupci imenovanja direktora javnih preduzeća, ustanova, upravnih i nadzornih odbora, nad kojim uvaženi zastupnik Marić traži da Ured izvrši nadzor, propisani su relevantnim zakonskim i drugim propisima i odlukama Vlade Kantona Sarajevo, te Ured nema nadležnosti da vrši nadzor nad tim imenovanjima.

Kada je u pitanju provedba Zakona o sukobu interesa u organima vlasti u Federaciji BiH („Službene novine Federacije BiH“, broj 70/08), odnosno njegovog člana 4. kojim se propisuje nespojivost obavljanja funkcije izabranog dužnosnika, nosioca izvršne funkcije ili savjetnika sa članstvom u upravnom odboru, nadzornom odboru, skupštini, upravi ili menadžmentu ili u svojstvu ovlaštenog lica u javnom preduzeću, u prilogu ovog dopisa dostavljamo na uvid zastupniku Mariću akt Antikorupcionog Tima Vlade Federacije Bosne i Hercegovine broj: 03-05-371-125/19 od 29. 03.2019. godine. U pitanju je akt koji je uslijedio kao odgovor na upit Ureda da nam se odogovori koje je tijelo/organ nadležno za odlučivanje da li neko stanje, postupak ili radnja predstavlja kršenje odredbi Zakona o sukobu interesa u organima vlasti u Federaciji BiH, odnosno sukob interesa.



web: <http://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277,  
Fax: + 387 (0) 33 562-223

Sarajevo, Reisa Džemaludina Čauševića 1



Iz predmetnog akta Antikorupcionog Tima Vlade Federacije BiH se nedvojbeno može utvrditi stanje kad je u pitanju sukob interesa u Federaciji BiH, imajući u vidu da je pomenuti zakon propis Federacije BiH.

Zakon o javnim preduzećima FBiH („Službene novine Federacije BiH“, broj 08/05), u članu 14. propisuje situacije sukoba interesa povezanih lica sa javnim preduzećem i obavezu izbjegavanja stvarnih ili očiglednih situacija sukoba interesa povezanih lica sa javnim preduzećem.

Kada je u pitanju sukob interesa na nivou Kantona Sarajevo, odnosno preventivno i korektivno djelovanje u ovoj oblasti, Vlada Kantona Sarajevo poduzela je određene aktivnosti na pravnom regulisanju ove materije, u skladu sa svojim nadležnostima.

Zaključkom Vlade Kantona Sarajevo, broj: 02-05-19440-31/18 od 19.04.2018. godine, usvojena je Strategija za borbu protiv korupcije Kantona Sarajevo 2018.-2019. i Akcioni plan za provedbu Strategije za borbu protiv korupcije Kantona Sarajevo 2018-2019. („Službene novine Kantona Sarajevo“, broj: 19/18). Poglavljem 1. Akcionog plana za provedbu Strategije, Strateškim programom 1.4. (Poboljšanje mehanizama sprečavanja sukoba interesa izabranih i imenovanih dužnosnika, rukovodilaca organa uprave, državnih službenika i namještenika), aktivnošću 1.4.3. predviđena je uspostava Registra imenovanih lica u Kantonu Sarajevo. Slijedom navedenog, Vlada Kantona Sarajevo, na prijedlog Ureda, donijela je Odluku o Registru imenovanih lica u Kantonu Sarajevo („Službene novine Kantona Sarajevo“, broj: 23/19), (u daljem tekstu: Odluka), kojom se uspostavlja Registar imenovanih lica u Kantonu Sarajevo. Osnovna svrha Registra je da služi kao evidencija podataka o imenovanim licima koja obnašaju javne funkcije u Kantonu Sarajevo, a u svrhu praćenja mogućih pojava sukoba interesa i blagovremenog djelovanja.

Članom 5. Odluke propisani su podaci o imenovanim licima koji se dostavljaju Uredu radi unosa u Registar, sve do neposrednog načina unosa tih podataka, od strane ovlaštenih lica institucije u kojoj je izvršeno imenovanje. Na ovaj način su predstavljena, zainteresiranoj javnosti, imenovanja koja se provode u javnom sektoru na području Kantona Sarajevo. U Registru se nalaze i podaci o iznosu naknade za obnašanje imenovane javne funkcije, te se omogućava uvid u način trošenja javnih sredstava po osnovu naknada. Također, Registar sadrži podatke o broju imenovanja pojedinih lica.

Istovremeno sa stupanjem na snagu Odluke, Ured je kreirao i uspostavio vlastiti, savremeni antikorupcioni informacioni sistem. Cilj uspostave informacionog sistema je stvaranje uvjeta za informatičku nezavisnost Ureda. Također, ovaj informacioni sistem je rezultat spoznaje važnosti informatičkih alata u borbi protiv korupcije i sprečavanju sukoba interesa. Integralni dio ovog informacionog sistema su registri koje vodi Ured, a među njima i Registar imenovanih lica. Pred Registra imenovanih lica, informacioni sistem Ureda, sadrži i Registar rizika, a Ured je također kreirao i Registar propisa. Registrom rizika identificiraju se koruptivni rizici, uključujući i rizike za pojavu sukoba interesa u određenim oblastima i sektorima, za tačno određene funkcije i radna mjesta koje su podložne pojavnim oblicima koruptivnih aktivnosti. Pored identifikacije rizika, ovaj Registar sadrži analizu, procjenu, stepenovanje rizika, te preventivne mjere i mehanizme za njihovo suzbijanje i definiše nosioce aktivnosti za provedbu tih mjera. U procesu izrade Registra rizika koriste se, primarno zakonski propisi koji se primjenjuju u pojedinim sektorima za koje se identifikuju rizici. Osim zakonskim propisima, zbog složenosti zadatka, koriste se i pravilnici, kao provedbeni propisi, te uredbe, odluke i drugi akti koji mogu da posluže prilikom identifikacije rizika i izrade preventivnih mehanizama za svaki pojedini rizik. Uspostavom Registra rizika, Ured je



web: <http://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277,  
Fax: + 387 (0) 33 562-223

Sarajevo, Reisa Džemaludina Čauševića 1



kreirao algoritme koji omogućavaju da informacijski sistem Ureda, na osnovu podataka iz ovog registra i Registra imenovanih lica, detektuje sukob interesa državnih službenika zaposlenih u organima državne službe u Kantonu Sarajevo, koji obavljaju dodatnu djelatnost za koju se plaća naknada, a što podrazumijeva i članstvo državnih službenika u skupštinama i nadzornim odborima javnih preduzeća, te nadzornim i upravnim odborima javnih ustanova, fondova, agencija čiji je osnivač Kanton Sarajevo. Naime, odredbom člana 26. stav (1) tačka a) Zakona o državnoj službi u Kantonu Sarajevo („Službene novine Kantona Sarajevo“ broj. 31/16). i članom 31. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“ br. 39/16,10/17), propisane su situacije kada državni službenik ne može obavljati dužnost, djelatnost niti biti na položaju koji dovodi do sukoba interesa sa njegovim službenim dužnostima. Dosada je informacijski sistem Ured, u nekoliko navrata, detektovao situacije sukoba interesa državnih službenika koji obavljaju dodatnu djelatnost.

Ured trenutno radi na izradi algoritama koji bi omogućili da informacijski sistem Ureda vrši detekciju sukoba interesa direktora, predsjednika i članova skupština i nadzornih odbora javnih preduzeća čiji je osnivač Kanton Sarajevo.

Odlukom o Registru imenovanih lica u KS uspostavljaju se, bar donekle, mehanizmi za sprečavanje sukoba privatnog interesa pojedinaca koji obavljaju javnu funkciju i interesa javne funkcije, te jača integritet, objektivnost, nepristrasnost i transparentnost u vršenju javnih funkcija.

Ovo je prvi put da se na ovaj način prikupljaju ovakvi podaci koji se objedinjuju na jednom mjestu i čine dostupnim javnosti na stranici [www.anticorruptiks.com](http://www.anticorruptiks.com). Ovo su aktivnosti koje Ured provodi, a koje se tiču sprečavanja sukoba interesa u vršenju javnih funkcija. Nadležnosti kojima se određuje djelokrug rada Ureda ne dozvoljavaju Uredu da izvrši nadzor nad procesom starih i novih imenovanja direktora javnih preduzeća, ustanova, upravnih i nadzornih odbora.

Ovdje također naglašavamo da će Ured, u narednom periodu, poduzeti dodatne korake i aktivnosti kako bi se pitanje sukoba interesa u obnašanju javnih funkcija na području Kantona Sarajevo dodatno pravno regulisalo, u skladu sa nadležnostima koje ima. Ovo iz razloga što je sukob interesa predvorje ozbiljne korupcije i pitanje koje, zbog svoje važnosti, zaslužuje da se dodatno pravno uredi.

S poštovanjem,

**ŠEF UREDA**

Erduan Kafedžić

Prilog: kao u tekstu.

Dostaviti:

- Naslovu,
- Stručna služba Vlade,
- a/a.



web: <http://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277,  
Fax: + 387 (0) 33 562-223

Sarajevo, Reisa Džemaludina Čauševića 1

